

彊

邨

語

業

彊邨語業卷二

歸安朱孝臧古微

木蘭花慢歲除苦雨兀坐篝鐙賦此遣

懷

洗梅根鹽粉換年事雨聲中看蜜苣籠花糝
粲添勝圍幕香重樓東曙鴉未起黯歌塵猶
顫好簾蘖吟興玉牋旋引曲游金埒還慵
懽悰半冷翠盤龍多事買吳篷笑黃柑未擘
洗收清靨慣溼春風相逢鏡屏夢底問歲寒
宮裏幾時紅雙舉流霞漫勸老懷翻惱瓊鍾

慶春宮結草庵拜半塘翁殯宮作

頽堞銜煙昏鐘閣水野鵲喚近清明華表騎
魂黃墟吟伴暗塵房檻深局斷雲玉笥感詞
客依稀有靈新腔愁倚一瓊泉華還薦芳馨
哀絃凍折誰聽淒唳修蘿山鬼逢迎蓬島
塵狂芝田日晏夢游翻羨騎鯨淚珠千斛拚
一向寒原縱聲孤留何事身世浮漚休問殘
僧

烏夜啼

西樓一夜潺潺玉鑪殘只有杏花同度五更

寒春潮長空凝望木蘭船不信歸期錦字
更開看

柳梢青虞山蒙叟湖上句云主人要悟
虛舟理但看紅妝與翠微晨起
獨至定香橋觀荷口占短章聊
爲叟語下作一轉倘所謂我轉
法華也耶

一角風漪文鱗吹去錦羽捎回蜺隊蘋霞弄
珠無力明鏡徘徊虛舟自解忘機漫消領
紅妝翠微三宿湖山十年塵土誰是誰非

燭影搖紅月夜汎舟襄湖徧串六橋並

丁家山而歸山椒一園歌鼓

微曙

壓鏡秋姿四山濃黛和愁斂浴空蟾影轉斜
河三五涼螢閃清景人閒易欠洗閒情筒杯
未釀翠波鐘罷歸盡連錢蜻蛉孤汎欺月
珠鐙隔花飄出閒闌檻亂催阿濫聒清宵魚
鳥應微厭殘晝滄洲半罨挂西峰蒼龍睽睽
昏鴉醒未風外稀疏重城更點

齊天樂

洗

渡江雲滬上遇伯玆旋復別去歌酒相

勞聲爲此詞

江風殘酒夜輒潮半落帶夢卷迴帆斷鐙春
尙淺濺淚看花冷約背梅崦嘶騶罷躍漸領
略荒雪江南吟望低白頭誰侶照坐有頽蟾
慙慙哀時詞賦送老關河攬尊前百感休
更將危闌煙柳分付何堪明朝照鬢秦淮綠
怕雨昏風暝愁兼歧路語重逢竟溼青衫

掃花游花朝微雪和夢窗

名二
罨空淡色黯杏葉河梁燕風微峭凍波乍嫋
卷愁心似惜亂沙鷗老覲冷春紅細蹋瑤光
鏡曉喚吳棹怕幽約五湖花夢稀到樓觀
還縹緲是亂蜃飄寒碎玉凝照度春草草被
瓊如斷卻翠溫簾窈倦笛飛梅怨咽江城變
調柳絲早誤東園鳳韡人掃

八聲甘州暮登靈巖絕頂叔問爲述半

塘翁昔年聯棹之游歌以抒

懷用夢窗韻

倚蒼巖半暝拂春裾千鬟亂明星信閒僧指

點愁香黏徑荒翠通城故國鴟夷去遠斷網
越絲腥消盡興亡感一塢鈴聲招得秋魂
來否對冷漪空酌渴夢難醒問琴絃何許飄
淚古臺青好湖山孤游翻嬾又咽風哀笛起
前汀柁筇去小斜廊路雙屨落平

玉連環

花翻歌扇衣香卸夢雲低亞沙棠雙槩綺羅
塵愁不耐滄波瀉風定絮花凝榭晚鶯閒
話不辭高館領春寒堅坐看斜陽下
滿路花寒食酬叔問和美成韻

寒餘北崦風晴壓東闌雪睡鳬香四汎鄰煙
絕青門憶否十里絲楊折玉牋連夢闊蠟芭
灰枯漢宮尙鬪芳節閒愁天與杜宇聲聲
血和春催去棹滄波接危闌拍徧纔信哀歌
切中坐絳能說說行路難爲君刻意傷別

前調清明再和簡叔問

闌枝過筆低鳥迹書落破泉香霏杏粥催新
火花慳酒殢一蘭愁絲裏亂疊書圍坐薄午
簾陰病懷惟稱頽臥紅芳無主懼計年年
左春湍流白日誰關鎖江湖滿地夢引樵風

過野鷗慵勝我一棹相尋世外應有人呵

卜算子

千片惱吳花接葉鶯調語睡燼明窗一穗煙
夢響長廊雨愁著倚闌時歌斷臨觴侶自
惜流光輾轉看淚溼彌天絮

漁家傲

繞榻書籤兼畫燈朦朧散帙何曾竟老去不
禁茶力猛微睡醒風鑪煎朮供秋病萬里
碧雲生鴈興行行書破青天影樓月半升簾
薄暝闌獨凭商音滿耳無人聽

香枕惜惜鐙翳翳冷螢開闔緣窗紙著枕搜
吟工夜計無一字瞢騰倦眼惟思閉 泣露
哀蟲妨短睡夢回練幕涼於水策策高林丸
月底中夜起秋聲何與閒人事

木蘭花慢陳伯平使君飲席話舊

傍滄浪桂樹素心寫小山篇笑楚製荷衣吳
謳蕩節萍泊何緣飛仙素雲擁處要手斟南
斗灑人間不用流霞灑引鏡中留得朱顏
幽禪一榻煮茶煙絲鬢幾年前惜冥冥此意
繁憂沈陸孤夢攀天鷗邊後期守定理雙綸

同止五湖船莫話滄桑事影湘心一碧潺然

洞仙歌丁未九日

無名秋病已三年止酒但買萸囊作重九亦
知非吾土強約登樓閒坐到淡淡斜陽時候
浮雲千萬態迴指長安卻是江湖釣竿手
衰鬢側西風故國霜多怕明日黃花開瘦問
暢好秋光落誰家有獨客徘徊憑高雙衷

驀山溪吳城小市橋東聽楓園退樓老

人諷古觴詠地也予將僦居其

間叔問爲相陰陽練時日且舉

宋詞人吳應之故事詞以張之

依韻報謝兼抒近懷

避風孱羽投老皋橋市流浪十年蹤濯春波
故情紈綺樵風吟伴長負隔籬杯珍重意覓
枝巢分席閒鷗喜塵樊海角削迹疑無地
獨樹老夫家譜紅梅豔題難繼壓天霜霰
憔悴舊山心三畝宅五湖帆怕說菴裘計

惜紅衣

張園秋晚草木變衰昭倚扶病

來游感話近事和白石

倦侶哀時長謠送日斷愁無力病裏登臺霜

林媚紅碧當脣注酒持一笑剛腸從客喧寂
涼雨鴈聲識殊方棲息明鐙廣陌盈舄狂
塵蒼波盪愁藉湛盧迸淚去國海西北斷得
故山歸思何地釣游尋歷酌晚英無語知是
誰家秋色

前調晦鳴病山別五年矣荒江臥病音
書寂寥病山郵示新篇兼道晦鳴
天南宦蹟漂零舊侶離憂如何用
白石韻寄晦鳴靖州遂報病山不
勝歲寒之思矣

萬感逃虛孤吟費日老來心力鴈外封書蠻
雲去天碧離羣歲晚愁萬里閒關遷客音寂
鐙枕倦醒咽滄波風息 干班紫陌鳴殿春
雷青蒲舊聲藉觚棱夢墮下國斗垂北手握
楚蘭何事不許九關攀歷料爨書緡罷瀝酒
碧雞秋色

前調叔問暫客湓濱屏絕歌酒樓鐙坐
雨兀對忘言重感旅逸悄焉憂此
病減霜尊陰沈海日苦吟猶力定侶耽慵忘
情遠山碧匡牀踞晚聞去鴈樓頭如客羈寂

香燼籟沈閱蒙蒙千息
羅窗粉陌百感無
端飄花淚波藉樵風但戀水國送南北卻掃
閉關何用不斷亂愁來歷辦釣竿幽計斟酌
石湖天色

荔支香近皋橋夜集送瞻園

凍靄官橋鐙舫雙畫舫透幕撼撼西風吹暝
凌波路天東一點涼蟾導客窺朱戶歌罷婀娜
娜輕箏鴈猶語
游味淺漫拍徧河梁句歲
晚江空贏得倦鴻成侶紅燭樓心酒醒天涯
斷腸否夢委行雲一縷

點絳脣 試鐙夜微雪和夢窗

明雪羅窗小梅清靨妝初洗試鐙風起飄斷
行雲地 漏轉瓊籤說盡天涯事愁如水曉
寒籠被春到檐聲裏

六醜 滬上元宵和夢窗吳門元夕風雨
韻

漸梅英墮粉翠幄煖花風新掣翦淞半江春
綃冰暈滅密逗芳節細漏丁東際繡旛雙影
近寶臺高揭蕃街走馬嘶塵熱霧絡消香波
簾卷纈沈沈釀寒城闕被瓊簫成陣迤邐吹

徹吟悰漸歇況侵年些髮記起傳柑事情
味別春芳又遲鳴鳩濺行雲倦趁曲坊巾韞
銀荷燼鬧蛾飛絕不堪是擲徧金錢換了舊
時明月歌塵定猶旋迴雪聽笑語凝白鬪干
外清鉛暗結

淡黃柳吳門重別瞻園

東風晚急吹得梅成雪眼看江城寒食節倒
柳郵亭漸綠十日相從正堪折宴歌歇懽
心賦春別打雙槳訪桃葉賸吳天客鴈寒無
列後夜相思夢痕何處來往青溪淡月

霜花腴聽楓園春集用夢窗韻

五湖計熟罷遠游春來怕檢塵冠臨水廚清
鑿坏山近端居避世仍難酒杯自寬繫舊情
長駐花前算滄波對席閒鷗亂愁不遣晚盟
寒蘿薜幾人招隱歎風枝未定怨咽驚蟬
碁局新悲鐙牀昔話繁吟限日飛牋待租畫
船欠翠眉歌裏便娟背斜陽料理閒身小楓
臨鏡看

前調宋詞人之倚吳者世但稱賀方回
吳應之諸賢叔問謂吳夢窗鷓鴣

天楊柳闌門之句蓋有老屋相近
皋橋其點絳脣懷蘇州詞所云南
橋殆指此又兩寓化度寺詞皆有
懷吳之思豈垂老菟裘固以此邦
爲可樂耶

謝堂倦客喚酒醒西風夢老吳皋煙草橫塘
玉梅收榭詞仙去住無聊賦情紫簫又夜深
明月南橋伴年年老屋闌門帶鴉黃柳短長
條賓主百年逆旅算菟裘一席占了漁樵
朱邸尊空青門春去霜花醉墨飄蕭倦魂待

折米金魚狼狽近滄茫
人漫屬山北燕來
還定巢

瑞龍吟 寓園餞春伯弢和清真韻見貽

率酬一解

吳皋路依舊翠檻交藤露臺臨樹年年寒食
東風怨羅恨綺消春甚處倦吟仙珍重勸
歸啼鳥戀人堂戶天涯楚客能狂對花對酒
低徊夢語無限浮雲心事短裾差倚搖楊
狂舞歸燕慣暝空簾人意非故塗妝暈色憑
寫傷高句何曾見雲屏淚眼香塵迴步鏡裏

千紅去凭闌待理黃昏斷緒重疊愁成縷年
事晚沈沈燈花飄雨夜長漏促一箏塵絮

前調和夢窗韻

市橋面還是臥柳吹絲去波明練芳塵簾閣
愔愔黃昏細雨游絲自轉漏催箭容易曼
歌消酒舊襟須濺烏衣也怯殘寒謝堂夢醒
春陰絮晚拋盡芳華前事過江人老行雲
天遠鷓鴣未休衰蘭歧路零亂薦紅病綠今
夕愁無岸不辭到西窗燭燼南鄰鐘斷坐閱
狂香卷誤人睡裏清歌漸散懽緒東風嬾空

付與吳娘哀箏彈怨後期最惜橫塘帆片

八聲甘州和柳耆卿韻

殢春殘病酒近黃昏東風冷於秋正隔紗煙
窈飄鐙雨急相望紅樓墮絮飛花不了好計
一年休江水知人意迎淚西流只有高臺
歌舞恁半妝易試急拍難收覷雕梁如客驚
燕爲誰留漲迴波天涯塵滿怕未堪重上木
蘭舟簾前路變青燕色漸引閒愁

驀山溪

輕簾四揭得月前窠早繞鬢聒飢蚊小朦朧

園鴉催覺淙檐一雨蘿桁卷絺衣新酒殘短
鐙檠料理成秋笑炎涼覆手取次流光渺
不斷故山心被西風年年吹老飛鴻將夢一
夕上高樓攜玉笛問金莖此意無人曉

秋宵吟和白石自製曲

水窗虛苴蠟皎夢醒秋堂羈悄還依枕正霧
雨冥迷砌蟲咽曉理愁絲似亂葆倦客三
年江表消凝處是盪晚荒波際天衰草瘦
盡青山未辦得一北送老病侵潘令恨極江
郎攬鏡鬢霜繞天末涼風早滿目江湖鴻鴈

信杳怕高樓細數流光橫竹吹徹怨未了

小重山戊申中秋作

翠溼簷陰小閣寒酒消渾不耐越羅單水黳
風起燭枝殘驚禽去捎響碧琅玕投老臥
雲關眼中塵事滿素心難天涯作計理孤懽
無情月三度病中看

龍山會重九汎舟斟酌橋有憶和夢窗
一鵬秋無罅故苑荒煙臥柳樓臺亞五湖帆
未整塵鬢影窺向流花橋下迴陣側新鴻帶
林際山眉翠冶倦芳期涼叢麝栗鮎風金灑

還憶對倚商歌白眼青天試五陵驕馬楚
離搖落後流恨滿鄰笛西風殘夜京輦十年
心付杯底滄波亂瀉醉漫捨有約待鴟夷車
後挂

月下笛聞促織感賦

冷月牆陰淒淒碎響替秋言語羈人聽汝咽
愁絲黯無緒空階都是傷心地恁禁得哀鐙
斷雨正宵砧四起霜紵孤曳宛轉催曙愁
誤金籠住伴落葉長門枕函慵訴回紋罷織
舊家零亂機杼西風涼換人閒世問憔悴王

孫幾度等閒是變了潘郎髮夢寄誰去

安公子

雨氣昏園夜夜聲風葉行空榭倦潑深杯人不醉數南譙更罷見暗裏霜蟾影壁虛弭挂偏背鐙臥起都無那漸曉笳淒動吹落瓊瑰盈把重疊魚書迓避人吟覩成淒詫甲帳珠襦前日事苦東風衰謝夢說與當筵莫漫危紵卸鸞鏡塵中有滄洲畫恁竹黃池冷猶是夕陽未下

玉燭新叔問贈瑞香謂卽離騷九章之

露申也賦此報謝叔問以爲有
美人懷服之恩

鉛霜和影颺是碎翦春愁藥珠宮樣麝塵院
落東風外旋展流蘇成桁釵梁未上顆顆結
相思花網端正看分朶幽雲蓋供少年新賞
含風漫整新妝怕短夢蓬萊故宮潛悵眾
香斂避開落事試問孤根誰傍葳蕤玉障解
睡徹芳韶貽蕩休賺取屬酒春人熏籠夜帳
華胥引重午感舊

新落凝礎閒雀窺幃澡蘭舊節畫鼓聲沈燎

鑪燭短愁篆結不信鄰笛驚風助曉吟淒咽
牆角雙榴褪紅還上裙褶梅雨江南送離
魂怨流荻葉楚雲章句沈沈秋心半篋晚
歸帆何處恨路長波闊呵壁荒唐酌觴清些
誰會

夢芙蓉南蕩汎舟用夢窗韻

簾花搖夢綺引行雲棹過麗娃鄉里紺波無
岸秋在錦機外冷霞熏客醉西亭曾試香被
脆笛風前呼秋人晚步羅襪細塵起卷盡
吳魂網底來去簫聲散落中洲佩霸圖重問

一笑鬧紅洗遠峰休掃翠鴛鴦解妒眉意料
理浮家尋鷗夷舊話飄斷五湖水

高山流水七夕用夢窗韻

絳河不動九微風數秋期輪徧織蔥花外玉
鵝笙黃昏韻入初鴻閒愁在唾碧拈紅穿鍼
伴多少微雲院落畫燭房蘂浸三星細轉滴
滴露槃濃機中年年錦書恨憑說與翠水
璇宮容易誤良宵夢約幾負香茸笑雕陵錦
羽偏工人天事輕賺羅池倦客酒醒清鍾下
疏簾憶斷釵盒故情慵

采桑子

雙蛾桂葉吳妝淺香裏憑肩水調初圓絳蠟
風消細細寒月華人意分張後鴈語寥天
花夢空煙風景何嘗似去年

臨江仙

喚笛渚風起冷禽磔磔髡柳髟髟畫橋外斜
陽豔入衰荷經過舊尋夢地行雲重步履生
波懽娛去換亂螢窺席荒水飄歌婆娑金
槃翠醕今夜無那愁何便流連叢桂舊月無
多由他柰秦樓阻書期誤怨發雙蛾終憔悴

爲有人含睇薜荔山阿

雪梅香

酒無力憑觥獨客背西風爲高樓悵悵天涯
易發秋慵收艇汀洲雨連夕近橋簾幕水涵
空去程急盼斷書期迤邐賓鴻 悤悤引離
緒燭外行雲淡畫吳峰舊國年芳換將亂葉
衰紅沈地驚波古城曲隔年愁夢臥屏中依
前是倦枕沈沈宵半疏鐘

彩雲歸

春陰日夜傍高樓好風光翠歇紅收驚夢回

鳳燭慊慊地惆悵事喚作無由尊前又彩雲
新怨唱吳天盡頭鎮開阻謝堂懽語舊燕空
留休休江南恨地問傾城何事綢繆一波
去水萍絮狼藉未解西流算別來千歌萬舞
淚眼翻溼蘭舟重經過江草江花一路新愁
雨霖鈴清明過何笛帆乘騶橋故居

昏鴉啼遶近連橋路暗雨如織孤雲一逝何
處門巷亂落花綦迹薄暝流飆旋起漸塵動
敲壁甚燕燕淒語東鄰此地無人解吹笛
天涯酒醒消魂極但恁恁酹地空尊泣文章

枉換羈旅零落盡茂陵殘筆夜壑孤吟應省
今朝過了寒食待翦紙重與招魂夢斷楓林
黑

西河庚戌夏六月瘳庵薄游吳下訪予
城西聽楓園話及京寓乃半塘翁
舊廬迴憶庚子辛丑間嘗依翁以
居離亂中更奄踰十稔疏鐙老屋
魂夢與俱今距翁下世且七暑寒
已向子期鄰笛之悲所爲感音而
歎也爰和美成此曲以據舊懷

歌哭地殘鐙事影能記劫灰咫尺上闌干夜
笳四起草堂人去薜蘿空西山窺笑檐際
舊庭樹誰再倚虛舟汎若無繫爲君胥宇燕
重來退寒廢壘夢華一覺玉京秋閒鷗空戀
煙水酒徒散盡醉後市問黃墟猶話鄰里
愁絕斜陽身世怕銅駝斷陌黃塵淒對西北
高樓浮雲裏

南鄉子

素蠟燼無煙風轉高螢照屋椽秋病無名如
中酒頽然亂帙匡牀伴獨眠夢醒鴈南還

遼海書沈動隔年畢竟新愁吹不到鷗邊獨
自滄江上釣船

金縷曲

數點籬頭雨溼年光如塵似夢鴈聲將去慘
結秋陰朦朧月隱印落花夕步更著袂清寒
如許莫費鄉園叢菊淚伴孤雲老臥滄江暮
持此意問鷗鷺盈盈一水終無語儘留連
沙昏石冷舊盟誰主試俯清漪窺衰鬢猶帶
十年塵土賸對立鷓鴣媚嫵萬事一身惟足
嬾又支筇數盡池東樹鴉陣起爲誰舞

名二
三
蹋莎行狄文子客淮南過江見訪

臘雪欺梅春灰瀝酒過江人落東風後狂名
消與短衣裝離心紛若長亭柳燕館霜繁
梁園月瘦卅年景物供懷舊白頭費淚與江
南亂花歧路愁時候

三姝媚觚庵有鄧尉探梅之約詞以速
之

燒鐙時節過正江春多陰縞空梅朶暝蹋蒼
煙話舊蹤能記醉楓紅臥倦屨空山游計屢
東風相左料理詩痕飄雨吳杯照人醒坐

身世狂花愁簸想素約閒鷗自消塵浣雪老
波荒賸笛邊心事細禽啼破念別傷春春已
在雙崦單舸莫遣空枝干繞瑤臺夢鎖

點絳脣

宛轉鑪灰此中多少淒涼事蠟燭紅起又滴
黃昏淚漏斷杯空那得相憐計君知未換
紅移翠猶是東風地

陽春曲

去年愁今年事依舊望春淒絕簾戶好東風
黃昏近燕子歸傍畫梁說放鐙時節驚故國

墮梅如雪纔信粉圻紅黏醉醒中易成消歇
倦游宴東園前裙路誰誤約書花寫葉而
今歌塵綠徧濺迴波卷淚雙疊新聲但有暮
鴉更惱亂玉龍吹徹看門外逝水漂花去江
南夢闌

雪梅香

雨無極溼帆一一下江城對空洲蘅杜旋波
翠幕冥冥攬亂鴻音水樓角盪搖螢點市橋
鐙檐茲夕路渺仙鄉極眼將迎 伶俚十年
事說向蠻牋似夢疑醒倦迹江南庾郎自此

愁生酒淺秋諳病消息燭花晨換客心情還
侵枕萬葉驚飆空外商聲

祭天神送伯弢還武陵

望楚天長短黃昏雨斷行人戍鼓聲中啼鴈
苦悲秋佩委衰蘭夢醒吳鐙語背西風一臥
迢迢滄江暮莫漫觸蛟龍怒更淒絕斜日
新亭路山河異風景是舉目成今古問何堪
滄桑危涕兵火浮家庾信生平竟寫江南賦
浪淘沙慢辛亥歲不盡五日作

暝寒送繁霜覆水暗雨啼葉檐鐸敲愁乍急

惟鐙顛影旋滅翦不斷連環春緒疊是當日
驚帶親結問故徑藤蕪夢何許前塵竟拋撇
淒切錦書寄遠終輟念玉几金牀西風夜
縹緲胡鴈咽嗟攬斷羅裾甯信長別恨腸寸
折明鏡前掇取中心如月卻剗連峰平於
垓黃塵擁巨川頓竭怒雷起予冬還夏雪更
千歲倚杵天摧厚地坼深盟會與纏緜絕

金縷曲井上新桐植七年矣周無覺撫

之而歎曰此手種前朝樹也斯

語極可念拈以發端

手種前朝樹帶虛廊斜陽一角閱人無語乞
向西鄰斤斧底曾共籜龍救取看玉立亭茗
如許今日離披銀牀畔問孤根肯傍龍門否
一葉葉戰風雨 蟪蛄三兩啼相訴說年來
紅悽翠慘好秋誰主剗地霜蕪連天白棲鳳
長迷處所算乾淨猶餘吾土眠坐清陰渾閒
事要歲寒根幹牢培護盟此意酌清醕

國香慢爲曹君直題趙子固淩波圖

一燈湘魂正捐璫水闊汎瑟煙昏江舉幾叢
憔悴留伴靈均日暮通詞何許有嬋媛北渚

孤顰國香縱流落未許東風換土移根
 年亡國恨料銅槃冷透鉛淚潛痕故宮天遠
 鵝管從此無春補作宣和殘譜儘消凝老去
 王孫不成被花惱步入鷗波滿韞秋塵宣和書譜
 無水仙

虞美人晚秋病起浮家石湖

經年未醒鷗夷夢鴈外荒波動不須商略挂
 帆人便與扁舟出世已無津
 頑秋腰腳慵
 難理久斷傷高淚故人書札墮西風卻道江
 山塵土我清空是日得伯改書云然

綺寮怨 兵後海上遇歌者朱素雲

亂柳香風吹店酒帘河外青傍水陌細語殘
鵲春陰底喚上旗亭中年哀絲怨竹潛催換
鬢雪和夢驚甚候烽起滅江關無人睇故國
塵暗生悵恨病辭茂陵銅仙去後劫灰怕
問昆明氣挾幽并舊人是米嘉榮江南落花
風景且訴與十年情傷懷步兵澆愁但願醉
無淚傾

曲玉管 京口秋眺

野火黏堤寒雲齧壘霜空竟日飛鴻響客裏

登樓窮目衰柳無行儘回腸
冷眼論兵愁心呷酒無多景物供吟賞最愛青山也似北
顧倉皇寄奴鄉霸氣消沈賸嗚咽迴潮東
注永嘉幾許流人惟餘叔寶神傷感茫茫又
玉龍吹起一片西風鱗甲江山如此幾曲闌
干立盡斜陽

洞仙歌過玉泉山

殘衫賸幘悄不成游計滿馬西風背城起念
滄江一臥白髮重來渾未信禾黍離離如此
玉樓天半影非霧非煙消盡西山舊眉翠

何必更繁霜三兩棲鴉衰柳外斜陽餘幾還
肯爲愁人住些時只鳴咽昆池石鱗荒水

水龍吟麥孺博挽詞

峨如千尺崩松破空雷雨飛無地京華游俠
山林棲遯斯人憔悴一暝隨塵九州來日諒
非吾事正蒼黃急劫推枰撒手渾不解茫茫
意也識彭殤一例愴前塵飄輪彈指長城
並馬滄溟擊楫窮秋萬里歸臥荒江中宵破
夢慘春衰涕更大招愁賦湘魂縱返甚人閒
世

六幺令和況夔笙

碧紗煙語恩怨無端的分明宋牆東畔簾箔
幾重隔扶夢花鐙宛轉不照傷心色後期今
夕青天碧海未道相思是無益蠟苴灰猶
有淚惜別筵前滴羅帶詩本無題出意機中
織千萬秦箏素手莫放危絳急鳳帷鴛席能
拚憔悴知否金釵未堪擘

高陽臺花朝渝樓同蒿叟作

短陌飛絲長波皺麴市帘江柳爭青中酒年
光賈春猶是旗亭綵旛長記花生日甚綠窗

兒女心情儘安排畫桁吳練鉏閣秦箏白
頭未要相料理要哀吟狂醉消遣餘生無主
東風博勞怨不成聲朦朧幾簇東闌雪算今
年又看清明怕相逢社燕歸來還訴飄零

夜飛鵲乙卯中秋

金波曖斜漢流照屏山樺燭冷散青煙珠簾
欲上美人去誰家今夜今年當窗亂雲霧恣
霓裳狂舞換譜鈞天乘風汗漫問瓊樓何似
人間多事桂宮仙斧七寶尙淩虛裝綴嬋
娟闌外秋香泣露移槃清淚消盡金仙廣寒

殿闕怕常娥不許流連其孤光誰與不成把
殘北望淒然

霜花腴九日哈氏園

異鄉異客問幾人尊前忘了飄零鴻響天寥
菊遲秋倦池臺亂倚霜晴坐無老兵負舊狂
休泣新亭鎮填胸塊壘須澆醞愁不與酒波
平多難萬方一概便知非吾土已忍伶俜
金谷吟商玉山扶醉消磨半日浮生畫闌更
憑莽亂煙殘照無情要明年健把茱萸晚香
尋舊盟

醉翁操勞玉初避地勞山賦此寄懷

嶢嶢單椒誅茅託而逃誰招千年故北還其
巢白頭心事飄蕭歌且謠把臂舊漁樵說此
中幾人我曹 令威去後無夢歸遼幼安涕
淚消與白衣阜帽山有木而風號海有涯而
波滔思君無暮朝心同媒何勞斗柄帶招搖
望京樓望天沘寥

千秋歲效連詠體夔笙得前拍子繼聲

玉宇瓊樓綠尊翠杓不分傷春蹙眉萼花辭
故枝忍爛漫萍黏墜絮仍飄泊寶匳金錦衾

鐵總成錯 昨夜夢沈情事各今夜夢回思
量著那惜行雲楚臺約當初莫愁愁似海而
今瘦沈腰如削四條絛五紋繡渾閒卻

戚氏 丁巳滬上元夕

月明中人閒無主是東風火合銀花綺交琪
樹錦成叢瓏瓏好簾龔歌鶯舞燕惜恩恩滄
江倦客吟晚際此三五幾心同市煥蛾鬧林
喧鴉起舊霞倒影仙蓬算金錢換得流水宵
短撲地春空 回首帝里游棕鼇駕鳳吹迤
邐趁青驄瑤臺路翠嬌紅嫵管疊絲重萬芙

蓉紺藥鏡裏衣香尺咫步綺西東歲華轉燭
悄拍闌干把琰北望朦朧未是閒情緒催
霓唱徹作弄春工問取嬌娥見否便臨花對
酒恁忡忡年時笑語傳柑醉沾鎬宴一餉華
胥夢費念奴憔悴清歌送終古恨縈損渠儂
賸夜窗寸蠟衰紅念芳節裏溼淚龍鍾甚春
寒重蕃街畫鼓曼衍魚龍

新鴈過妝樓和夢坡

網戶昏黃飄鏜近盈盈蘸甲觴光曼聲不起
塵麝暗歛空梁莫倚蛾眉憐短鬢未秋鏡影

已先霜少年場柰何喚徹沈恨周郎天風
無端應拍便暮雲駐得肯駐斜陽望京舊夢
沈醉不換悲涼箏心更移更促怕零落十三
金鴈行滄江晚費箇儂分付今夕迴腸

洞仙歌

推枕秋懷斷乍夢闌徙倚初寒池館繞空廊
露葉遠樓風鴈冥冥月氣鐙輝亂問幾度安
排平圃宴閒簫管甚疊徧霓裳翻恨新聲嬌
輾轉酹愁酒醒殢睡香消易感難拚漫與
短髮飄蕭冷卻故園心眼良天好夜終須早

天涯何處所
銚外綠窗紗

六幺令 清明龍華寺薄游

紙鳶風過扶路餉
簫熱江橋酒旗青處
草色裙腰接撲水
紅英萬點過眼芳菲
節數聲新鳩鞦韆
索外喚起春人試羅
屨不信今都夢裏
歷盡華鬢劫百尺無
主香臺斷續殘鐘
咽雞酒招魂幾許
錢紙灰成蝶照人啼
靨端正正卻是桃
花舊時月

洞仙歌

年年明月照高樓
無恙只是清宵易惆悵
算

姮娥識我不爲閒愁飛動意把琰淒然北向
酒醒烏鵲起一碧雲羅遙指虛無斷征鞅
知道有前期對影聞聲甚遙隔萬重山樣須
信是瓊樓不勝寒猶自有愁人白頭吟望

丹鳳吟題蔣孟蘋密韻樓圖孟蘋旣得

宋本周密草窗韻語爲圖紀之
韻語凡六稟咸瀉重光協洽陳
存敬序乙亥李彭老李萊老題
詩按癸辛雜志至大戊申草窗
年七十七則生當紹定壬辰韻

語紀年至甲戌年四十三蓋中
年以前之作南宋江湖詞人兼
以詩傳者惟姜堯章最著草窗
詩風格稍遜而舉體修潔庶幾
近之又生長行都棲息苕霅閒
山水清音自異凡響卷中自元
代至康熙時題識殆徧乃未入
藏家著錄洵希世之祕笈矣

坐擁連牀綳縹帶草春窗英光深燭眞珠船
到開卷蠹塵輕簌元和蛻取義熙題徧儘有

書城能消陵谷過眼雲煙漫省喚起詞仙一
笑來伴幽獨按譜笛中世換舊蕢斷碧淒
賸馥蔓草王風感甚芳茱疏雨清事能續吟
邊今古一抹弁峰寒綠送盡飛鴻三徑晚憺
憑闌心目古芸隱處珍重文字福

金縷曲壽閨生弟六十

無怪吾衰矣算阿連左弧懸到齊頭甲子湖
海平生輕離合頗負夜寒姜被泝別恨峽流
泮水猶有滄江容一臥便安排風雨連牀計
秋色在鴈行裏篆盤婆律香雲起待商量

歸心與問聞思大士咫尺蒼山家何許茅屋
石田而已且生事醉鄉料理四海子由真健
者幾滄桑自笑難兄弟吾意託小山桂

虞美人

黃昏笛裏梅風起蔓草羅裙地滿闌紅萼總
宜簪不道尊前消減去年心何郎詞筆垂
垂老坐被花成惱月寒江路喚真真一縷清
愁猶著故枝春

摸魚子龍華看桃花

嬾能探劫餘芳信年年閒了游騎祇林依舊

霞千樹嬌入上春羅綺紅十里還一掩一層
淡沲煙光裏東風旋起悄不似仙源將家小
住便作避秦計 予都夢消與金門游戲夢
回惆悵何世華鬢天也無香色說甚道場興
廢空徒倚怕輕薄芳姿未省傷春意劉郎倦
矣任題徧花牋都無好語賸濺感時淚

鷓鴣天 越日重游遂訪石芝居士

百隊行春迤邐車千林步綺淺深霞陰晴併
日如中酒哀樂臨年各爲花 花夢短酒悲
賒甘拋有盡送無涯道人不對東風笑掃地

焚香自作家

水龍吟 沈寐叟挽詞

十年輕命危闌望京遂暝登樓眼虞洲急景
伶俜已忍須臾盍緩沈陸繁憂排闥舊夢一
朝悽斷痛招魂無些宣哀有

韶經天淚中宵泔垂死中興不見掩山北
風回雲偃浯溪撰頌茂陵求橐湛冥何限我
獨悲歌紫霞一去淒涼九辯賸大荒酹取人
天孤憤覓靈均伴

鷓鴣天 龍鳳兜展彥偁弟墓

紙蝶風旋土一堆無多老淚著寒灰殘鵲錦
樹啼還咽小鴈鑪峰夢不回身後事眼前
來青山須辦骨同埋便能世世爲兄弟知否
人閒更可哀

惜黃花慢 仁先以舊京移菊經歲作花

倚聲徵刊

楚客情芳鎮夢餘避得酹月春觴閉門成世
悄偎鬢白託根耐晚羞染蜂黃抱花愁問伶
俚蝶舊籬畔堪此淒涼念帝鄉薦秋俊賞飄
換繁霜十年臥隔滄江濺露英數點老淚

柴桑後期孤許楚筠晚節前塵半落燕麥斜
陽瘦姿不敢傷遲暮爲珍重簾底秋妝最斷
腸夜衾萬感幽香

彊邨語業卷二

疆邨語業卷三

歸安朱孝臧古微

薄倖

後堂芳樹逗一霎黃昏意緒未慣得春魂無
檢輕繞河橋風絮甚臥枝花發東園春根重
上相思句便綵箴翻歌金尊顛酒催台鄰簫
新譜也自解連環誤渾不耐綠窗鸚語幾
曾知門外飄紅無地等閒卻倩游絲駐不關
風雨但懨懨淚眼天涯望斷無尋處危闌徧
倚心結行雲成縷

浣溪沙

和病山蕙風卽席之作

解道傷心是小顰分明怨恨曲中論
世間原有藥珠人
妙舞折腰翻地錦
清吭飄淚簌
梁塵滿衣猶是故山雲
未必天花及我身
占人懷抱是歌顰
紅毬翠幕一逡巡
翻劫枯禪參聖解
哀時閒淚賺詞人不關夢裏楚臺雲

清平樂

何詩孫爲梅蘭芳北歸畫卷徵題

題

殘春倦眼容易花前換
萼綠華來芳畹晚消

得閒情詩卷 天風一串珠喉江山爲被清
愁家世羽衣法曲不成凝碧池頭

高陽臺 過蒼州湖舍

吹劍驅愁揮杯勸影湖山重與溫存一弄荒
波客來猶道閒身隔年縹渺鈞天夢傍清鐘
忍斷知聞袖香熏攜向虛堂還熨詩痕遮
門不是閒煙水洗秋心最苦更託鵲春小閣
通明夜深孤月尋人褰裳手把芙蓉朵問目
成可記靈均便從君把臂黃華相守孤根

臨江仙 此辛酉歲暮同寐叟作叟目爲

調高意遠者也豪佚不復省慈

護世講檢叟遺篋得之

留與眼前資痛飲不須遣盡閒愁徘徊明月
在高樓揮觴疑有待吹笛未宜休人事音
書寥寂久夢來躍馬神州中宵攬涕不能收
有情歌小海無女睇高北

燭影搖紅乙丑元旦和閨枝

野哭千家閉門不恨春光淺年時仙仗簇朝
正瞻座香飄殿投老滄江臥晚怕安排黏雞
畫燕盡情鎧火多事屠蘇今朝心眼留命

何年飾巾那計流光換夢魂猶自點朝班誰
道長安遠再拜鵑聲咽斷倚危闌飄風鬢短
爲誰消息爆竹東鄰青旛孤顫

小重山 蒼州示紅豆詩愧不能和拈此

報之

南國春芳又一時背人開玉台意淒其枉拋
紅淚惜前期愁根蒂惟有錦鸚知無力護
瓊枝東風休再種有情癡年來心事在江蘼
渾不稱頭白賦相思

鷓鴣天 廣元裕之宮體八首

生小仙娥不自妍
壁臺金屋誤嬋娟
幾曾宛轉酬干琲
已忍伶俜過十年
虬箭水鵲鑪煙無
端芳會散金錢
簾櫳早是愁時候
爭遣新寒到外邊

金斗餘薰向夕涼
撲簾眞見倒飛霜
竊香鳳子紛成隊
撼局獬兒太作狂
三歎息百思暈迴腸
斷盡也尋常
鏡前新學拋家髻
猶被狂花妒淺妝
微步塵波避洛神
玉顏團扇與溫存
牽牛夜殿憐私語
騎馬宮門拜主恩
翻覆雨合離

雲經年纔雪舊啼痕清狂一往甯無悔卻繡
長旛禮世尊

罷轉歌喉道勝常多生爭忍不疏狂直饒在
髮爲薌澤未願將身作枕囊 蟾齧鎖鵲橫
梁東家著意在王昌情知薄倖青樓夢且坐
佳人錦瑟旁

聞道嬋媛北渚游東風連苑冷於秋無多裝
綴花宮體禁斷排當鞠部頭 懽易散夢難
留女牀鸞樹向人愁紅蠶憔悴同功繭纈盡
春絲未放休

臨鏡朦朧嬾卸釵無聊啼笑枉多才探看青
鳥沈懽訊橫臥烏龍本妒媒 笙字錯錦梭
迴肯將心力事妝臺不知下九還初七日疊
紅牋寄恨來

未必芳期未有期等閒蜂蝶劇嬌癡側商小
令翻新水卷地狂香發故枝 風雨裏苦禁
持有人低唱比紅兒纔知滿樹金鈴繫未省
秋人落葉悲

歷劫相思信不磨親將雙帶綰香羅未灰蠟
苴拚成淚垂絕鷗絲忍罷歌 休躑躅已蹉

跼珊鞭拗折負恩多人間會有相逢事奈此
青春悵望何

望江南雜題我朝諸名家詞集後

湘真老斷代殿朱明不信明珠生海嶠江南
哀怨總難平愁絕庾蘭成

屈翁山

蒼梧恨竹淚已平沈萬古湘靈聞樂地雲山
韶濩入悽音字字楚騷心

王船山

爭一字鵝鴨惱春江脫手居然新樂府曲中
亦自有齊梁不忍薄三唐

毛大可

雲海約明鏡已秋霜但願生還吳季子何曾

形穢漢田郎歸老有鱸塘

顧梁汾

迦陵韻哀樂過人多跋扈頗參青兕氣清揚

恰稱紫雲歌不管秀師訶

陳其年

江湖老載酒一年年體素微妨耽綺語貪多

甯獨是詩篇宗派浙河先

朱竹垞

蘭錡貴肯作稱家兒解道紅羅亭上語人間

甯獨小山詞冷煥自家知

納蘭容若

消魂極絕代阮亭詩見說綠楊城郭畔游人

齊唱冶春詞把筆儘淒迷

王貽上

留客住絕調鷓鴣篇脫盡詞流薌澤習相高

秋氣對南山駸度衍波前

曹升六

長水畔二隱比龜溪不分詩名叨一饌居然

詞派有連枝人道好壘簾

李武曾李分虎

南湖隱心折小長蘆拈出空中傳恨語不知

探得領珠無神悟亦區區

厲樊榭

回瀾力標舉選家能自是詞源疏鑿手橫流

一別見淄澠異議四農生

張皋文

金鍼度詞辨止庵精截斷眾流窮正變一鐙

樂苑此長明推演四家評

周保緒

舟如葉著岸是君恩一夢金梁餘舊月千年

玉筍有歸雲片席蛻巖分

周稗主

無益事能遣有涯生自是傷心成結習不辭

累德爲閑情茲意了生平

項蓮生

娛親暇餘事作詞人廿載柯家山下客空齋

畫扇亦前因成就苦吟身

嚴九能

秋醒意抱碧契靈襟生長苴蘭工雜佩較量

台鼎讓清吟欣戚導源深

王壬秋陳伯渡

甄詩格凌沈幾家參若舉經儒長短句巋然

高館憶江南綽有雅音涵

陳蘭甫

皋文說沆瀣得莊譚感遇霜飛憐鏡子會心

衣潤費鑪煙妙不著言詮

莊中白
譚復堂

窮途恨斫地放歌哀幾許傷春憂國淚聲家

天挺杜陵才辛苦賊中來

蔣鹿潭

香一瓣長爲半塘翁得象每兼花外永起孱

差較茗柯雄嶺表此宗風

王佑霞

招隱處大鶴洞天開避客過江成旅逸哀時

無地費仙才天放一閒來

鄭叔問

閒金粉曹鄣不成邦拔戟異軍成特起非關

詞派有西江兀傲故難雙

文道希

雙飛翼悔殺到瀛洲詞是易安人道韞可堪

傷逝又工愁腸斷塞垣秋

徐湘蘋

前調意有未盡再綴二章紅友之律順卿之韻皆足稱詞苑功臣新會陳述叔臨桂況夔笙並世兩雄無與抗手也

談聲律詞筆此權輿翻譜竹枝歸刈度重雕
棗斐費爬梳持配紫霞無
雕蟲手千古亦才難新拜海南爲上將試要
臨桂角中原來者孰登壇

小重山晚過黃渡

過客能言隔歲兵連邨遮戍壘斷人行飛輪
衝暝試春程回風起猶帶戰塵腥日落野
煙生荒螢三四點淡於星叫羣創雁不成聲
無人管收汝淚縱橫

齊天樂 乙丑九日庸庵招集江樓

年年消受新亭淚江山太無才思戍火空邨
軍笳壞堞多難登臨何地霜飈四起帶驚鴈
聲聲半含兵氣老慣悲秋一尊相屬總無味
登樓誰分信美未歸湖海客離合能幾明
日黃花清晨白髮飄渺蒼波人事茱萸舊賜

望西北浮雲夢迷醒醉並影危闌不辭輕命倚

高陽臺除夕閨生宅守歲

藥裏關心梅枝熨眼年光催換天涯綵勝迷
離忘情紅入鐙花常時風雨聯牀地付冷吟
閒醉消他更休提束帶鳴雞列炬飛鴉驚
心七十明朝是甚兩頭老屋舊約長賒醉倚
屠蘇甯知肝肺槎枒干戈滿目悲生事對阿
連休話無家卻因依北斗闌干凝望京華
一叢花雨過廢園見杏花

雲陰如墨。罨頽垣勻注。錦成斑。誰言窈窕宜。
宮體夢不到。飄麝闌干消息。雨聲無人報。與
各自度春寒。背飛雙燕。著花端欲語。會人
難。芳春似客。垂垂老斷無分迴。汝顏顏。悵
壞妝消磨閒。醉應勝醒時看。

定風波丙寅九日

過眼黃花七十場。無詩負汝只傾觴。老去悲
秋成定分。纔信便無風雨也淒涼。已自上
樓筋力減。多感鴈音兵氣極。滄江搖落萬方
同一概。誰在闌干閒處戀斜陽。

鷓鴣天簡蘇堪時將營壽藏丐其書碑

碑曰彊邨詞人之墓

敢學邢卿畫古圖卻師表聖搆元廬頭皮留
在還看鏡心力拋殘但覆瓿螻蟻飽馬牛
呼姓名官職總區區豐碑幾許征西字消得
先生點筆無

隔浦蓮近非園益荷秋放一花感賦

鷺鷥涼夢過了秋被西亭窈罷舞霓裳隊明
年約紅情繞霞豔妝避曉湘娥笑倩影淩波
小爲花惱西風嫁晚房空心苦顛倒聞鷗

冷觀分其涉江人老塵鏡敲槃臘自照淒調
雙蕖流怨多少

瑞鶴仙

雨懷淒不斷又西風飄送離行江鴈衰燈耿
虛館正慵拋書帙病疏醪殘孤悰易倦忖相
思春灰宛轉料沈鱗不寄芳音怨入最高樓
畔須念帶圍寬窄篝被寒溫鏡顰深淺無
人看管誰料理夢雲亂怕羅帷燭背玉釵敲
著不省天涯淚眼算青驄便有來時歲華漸
晚

六醜

吳門聽楓園傲舍十年來三易主
人矣戊辰閩春偶過其地海棠一

樹摧抑可憐淒對成詠

料芳姿記省護燭底輕陰池閣夜深照妝妝
成春妒卻鉛黛零落夢繞鞦韆地臥枝紅嫵
暈錦圍成幄嬌多叵耐金鈴索淚點冰綃顏
酡羽爵十年舊香依約甚偎闌一餉情緒還
惡銀屏珠箔柰孤根誤託海燕移家慣無
駐泊綠章負了前諾有幽單萬感阿環能覺
相思斷錦城天角纔知道薄倖東風不管等

閒哀樂斜陽瘦猶戀紅萼怕繚牆亂水飄花
去無人念著

丹鳳吟寄懷陳述叔嶺南

俊賞霜花腴譜韻起孤絃秋蓬書客蘭荃盈
抱宜稱賦情南國歌成鬢改老懷慵問度厄
鶯花招人蘿薜自著閒身句裏未忍傷春春
去留淚沾臆卻遣天涯悵望暮雲頓合無
盡碧衷底瑤華滿晦雞鳴風雨心素能惜滄
洲期在落月照梁顏色蔓草王風身世感其
低垂頭白幾時把臂迎夢江路識

宴山亭蒼虬邃於詞復喜繪事一日得

宣和御筆牡丹曰此詞皇畫也
爲書詞皇閣以榜其齋

傾國春姿金屋弄妝照靨嬌霞添嫵朱帔翠
瓔蘸筆天香彈壓洛陽新譜換劫燕脂尙皴
染瑤臺風露分付伴流落胡沙杏花詞句
曾是端冕羣芳又玉案宮綃盡情擡舉銜花
鹿去挂榜人來依稀朵雲縈護幾闕清平應
未稱倚聲家數愁侬紅萼久無人爲主

好事近賦朱庵臺桂桂爲明季一老尼

手植枝柯四周繆結累八九層

如浮屠狀庵在秀州南堰

遺世廣寒仙香界別開蟾戶一例恆沙劫換

比月盤松古色身不礙被黃繩慘地碎天

布遮莫窮檐薪盡供籜龍斤斧

盤山天成寺有松一株形

如累盤土人呼爲月盤松

隔溪梅令己巳元日賦示詰禪

換年簫鼓沸鄰東故情空鏡裏凋顏不媚燭
花紅思悲今已翁閒門芳信比人慵問東
風留命傷春深淺酒杯中去年同不同

花犯 巢園櫻花周梅泉索賦

彈輕陰娥娥怨粉東風殢沈醉萬姝嬌睇渾
未譜羣芳催賦多麗倚天照海搖花氣仙雲
臨鏡起問島客移根何許闌干心萬里南
飛寄棲一枝安藏春處最好玉窗閒地香夢
穩渾不羨絳都芳事愁心託晚鶯細語遮莫
到東鄰妍睵裏要障取十圍宮錦金鈴從料
理

過秦樓

雨澈蟬音葉溫禽夢竟日水窗吟斷題門字

少坐佛齋空著意玩他鑪篆多事料理閒身
期客繩牀憎人腰扇要披襟獨往樓心閒地
自饒疏散休再說賜葛含風傾杯承露夢
繞翠寒亭畔流塵巷色飄鼓街聲不稱曳筇
心眼樓望簾櫳未鐙連海元雲雲涯人遠坐
清宵不去禁慣單衣露點

木蘭花慢感春和蒼虬

問東闌瘦雪尙消得幾清明是拆繡樓臺差
池燕羽佻巧鳩鳴金鈴未知繫處更蒼苔顛
倒藉紅英禁斷尋芳意緒交加中酒心情

多生有客惜香盟。愁檢瘞花銘。漸數盡番風，
強扶倭墮，還忍伶俜。陰晴問春未準，怕到頭
開落總無聲。夢裏催歸杜宇，香車不勸逢迎。

南鄉子

病枕不成眠。百計湛冥夢小安。際曉東窗鶉
鳩喚，無端一度殘春，一惘然。歌底與尊前
歲歲花枝解放顛。一去不回成永憶，看看惟
有承平與少年。

菩薩蠻

溫溫藥鼎蟲吟細。倦懷不問殘鐙事。江鴈破

愁眠薄帷褰曉寒 壺觴疏點檢酒病秋深
淺不用忖腰圍新來羅帶垂

齊天樂 蒼州赴天津寄示渡海四十韻

倚歌賦答

麻鞋一著無歸意滄溟縱心孤往盡室裝寒
循涯客返離恨秋潮同長行吟骭髀要留命
桑田故躔迴向自理哀絃北征誰省杜陵唱
回風獨樹漸晚去舡攀未得歧路惆悵鼓
角中原煙波大澤何地堪盟息壤孤光近傍
勝愁臥荒江白頭吟望夢款音書度樓南鴈

響

前調倍仲別六年矣枉句見懷率酬一

解

孤臣江海湛冥後心肝十年歸奉杜老麻鞋
冬郎畫燭長結觚棱昔夢吳鉤坐擁肯老去
銷沈向來飛動敲側乾坤不辭辛苦日華捧
白頭輕賦去國路歧終古意拚倒芳甕斗
北攀依周南濩落千里月明仍其疏麻折送
尙著意盟鷗歲寒珍重越客吟成病肩霜夜
聳

芳草渡

還鄉未旬旋復別去經碧浪湖

作

滴夢雨又漲綠霜波細塵麴灑照落楓臨岸
丹黃對展巖畫林表蟾鏡挂迎扁舟東下漸
歲晚繾綣寒卮卻背鄉社牽惹酒悲頓起
倦理雙溪漁隱話便羸取青山落手沈吟釣
竿把蕩人海氣恣曼衍魚龍修夜間甚日細
聽回帆鼓打

石湖仙

味欖翁載舊燕討春鄧尉歸贈

梅枝翛然如見似人也

風懷消盡漸拋斷年時西崦香訊誰爲小紅
簪理詩狂鷗夷起趁煙蘿攜手想並照清泉
紅粉無分伴翠禽紙帳啼引月明暗香動
處散江城笛中舊恨東驛黃昏定怯玉肌皺
損竹外枯苔雪邊衰鬢款春成韻花夢穩清
寒夜永須忍

倦尋芳題映盦藏大鶴山人詞墨

斷銘鶴蛻零楮蟬棲芳卷誰理頭白傷春詞
客有靈孤寄恨墨香沾新篋衍哀絳心在閒
宮徵舊江南怕湖山劫換倚聲無地好看

取叢殘收拾一樣生平雲海愁思縑素連情
中有楚蘭閒淚珠玉故多臨水感文章何止
藏山事待招魂小城隈笛聲不起

東坡引庚午歲除

拖筇慳雪霽探梅誤年例一鑪商陸閒窗底
薈騰惟有睡薈騰惟有睡椒花罷頌屠蘇
無味更禁斷宜春字鄰兒解叩承平事新年
明日是新年明日是

浣溪沙元夕枕上作

連夕東風結苦陰通明簾幕卻偎衾病軀無

復酒懷侵 止藥強名今日愈探芳越減去
年心月華人意兩冥沈

瑞鶴仙 庚子歲晏賦此調寄悔生長安

今三十年矣悔生垂老無家留
滯舊京欲歸不得倚聲寄憶重
依美成高平調報之

處幽篁怨咽凝望裏一鏡綠愁白髮無家更
傷別倚新聲猶戀前塵茗雪桑田坐閱任輓
紅灰外換劫贖行歌汐社儲橐史亭此恨銷
骨 莫道長安倦旅再拜啼鵲夢迷行闕神

州涕雪卅年事寸腸折怕登樓眼底流紅無
地江南芳草頓歇解傷心故國淮水夜深片
月

三姝媚寒食梵王渡園作

閒芳明倦眼殢餘寒林亭冶春過半笑靨臨
池有露桃依舊避人妝面伫立妍香花信與
東風俱換野水鱗鱗不上金杯茗懷深淺
隨地登樓能慣便冷節相攜暗愁輕遣報答
風光要水濤煙次小詩尋徧輒腳行芳明日
事筇枝先嬾坐久夕陽逾好歸輪漫轉

漢宮春 真茹張氏園杜鵑盛開後期而

往零落殆盡歌和榆生

淒月三更 有思歸殘魄 啼嚙能紅傷春幾多
淚點吹渲 闌東綃巾 搵溼試潮妝 微發瓊鍾
新敕賜一窠 瑞錦昭陽 臨鏡猶慵 攜榼卻
慳才思 惹津橋沈恨 撩亂花茸 芳華慣禁閒
地不怨東風 鶴林夢短 委孤根竹裂山空 三
嗅拾馨香 細泣何時 添譜珍叢

渡江雲 望蒼蚪不至倚此致懷

春裝喧遠 素倚樓倦 睫鴈外數南程 舊京花

事減去住無端坐閱柳條青催人怨鵲背夜
月啼到無聲何計尋白頭料理聚散隔年情
消凝鑪煙依戀藥裏流連分萍蓬不定渾
未忘延秋湖舸話雨牀鐙心魂老去須相守
辦歲寒尊酒平生吟望苦終期其惜伶俜

風入松病閒戲述

鬢絲微颺藥煙塵倚病得修薰浮生已覺蘧
蘧夢賸佛香一分隨身亂帙匡牀坐擁依然
棲穩秋魂公言難得綠衣新天厭苦吟人
扁舟出世非吾惜問挂帆底事逡巡鴈外驚

波滿目後期多定無津

應天長海綃翁客秋北來坐我思悲閣

談詞流連浹旬吳湖帆爲作圖

餞別翁示新章借其起句答之

王風蔓草歧路亂花萍蓬近水遲合老去庾
郎蕭瑟相思素箋疊哀時意慳問答漫料理
曼吟囊篋夢回處一笑南雲卷送帆葉同
抱歲寒心舊賞新歡絳外最清發作弄斷鴻
蹤迹涼風動天末芳馨在雙醉頰悄未隔美
人明月待飛瓊共酌前修隨分閒業

鷓鴣天 辛未長至口占

忠孝何曾盡一分年來菱被減奇溫眼中犀
角非耶是身後牛衣怨亦恩 泡露事水雲
身枉拋心力作詞人可哀惟有人閒世不結
他生未了因

彊邨語業卷三

右彊邨語業三卷前二卷爲先生所自刻而
卷三則先生卒後據手藁寫定補刊者也先
生始以光緒乙巳從半塘翁愔刪存所自爲
詞三卷而以己亥以前作爲前集曾見庚子
秋詞春蟄吟者爲別集附焉後又增刻一卷
而汰去前集別集卽世傳彊邨詞四卷本是
也晚年復并各集釐訂爲語業二卷嗣是不
復多作嘗戲語沐勛身丁末季理屈詞窮使
天假之年庶幾足成一卷而竟不及待矣傷
哉先生臨卒之前二日呼沐勛至榻前執手

嗚咽以遺橐見授曰使吾疾有閒猶思細定
其矜慎不苟如此茲所編次一以定橐爲準
其散見別本或出傳鈔者不敢妄有增益慮
乖遺志也壬申初夏龍沐勛謹跋